


[www.BibleForChildren.org](http://www.BibleForChildren.org)



San Juan 14



Rnë' Jesús: –Cutu gchixi icj ládxi'dau'li'. Gul-tsejlë'  
Dios, len gul-tsejlë' ca' neda'. Lu yu'u lidxë' Xuza' latj  
zian nacué'. La'naru' cu nac cni, neda' chgudxcza' lbi'ili'.  
Tsija' na'a, tsajpá'a queëli' latj ga tsajsoali'. Chqui'  
huayija' len tsajpá'a queëli' latj ga tsajsoali', huöda'  
leyúbl, uchë'a lbi'ili'  
latj quia', quië ga  
na' tsajsóa'  
neda', ni'



tsajsoali'  
ca' lbi'ili'.



Neda', Juan, naca' böchi' Iza'li' len tsazxön rzaca'  
rguí'lana' Ibi'ili', len tsazxön len Ibi'ili' ruzi'a xbey  
le rna bë'ë Dios, len nadél-li'da' yöl-la'

rböz zxön ladxì' na' runnë'  
queëru' Jesucristo.



Gatsj lahui'l nis zxön nadzuna' tu luyú bidx ni,  
nazí' lei Patmos. Nadzuna' le bena' Iban qui  
xtidzë'ë Dios len le bena' Ina' lau queë'


Jesucristo.



La' ni'z gzóalenë' neda' Dios Bö' La'y, ati' blé'ida' ni'  
yehua' yubá tu latj ga Nu rö' rna bë', len blé'ida' ca' Nu  
na' rö' latj na'.




Ni'r byönda' tul-l yúgu'të bi benë' Dios yehua' yubá len  
yödzlyú, len zxanil luyú len lu nis zxön. Tul-l yúgu'të bi  
nacuá' yugu' latj na', ta'ná: Yöl-la'  
ba Nu na' rö' latj blau, Lenca'  
Bönni' na' naquë' Bö'cu' Zxíla'dau'.  
Gúnteczru'-në' ba la'n Len  
cú'teczru'-në' yöl-la' ba,  
Ati' gna  
bë'teczë' Lë'.



Neda', Juan, blé'ida' yödzt la'y na', nac Jerusalén cub,  
ruhuõtj, r-ruj yehua' yubá ga zoë' Dios, chnabá'a qui ca  
nabá'a queëbi' bi'i ngul chzoa utság ná'lenbi' bönni'.  
Byönda' rui' didza' yehua' yubá nu rna: “Gul-yutsca'. Ga  
zoë' Dios zoalen bunách. Sóalenë' lequë', ati' lequë'

lacquë'  
bunách queë'.  
Dioscz sóalenë'  
lequë', gaquë'  
Dios quequë'.”



Ni'r bului'inë' neda' tu yegu yeni'dau' gbaz la'y na', le  
nac nis yegu runn yöl-la' na'bán. Ryëp yös yeni' yegu  
na' ca ryëp yös yeni' guiöj jar. R-ruj yegu na' lu latj blau  
ga rö'ë Dios len ga rö'ë ca' Bönni'  
naquë' Bö'cu' Zxíla'dau'.



Cutu run bayúdx tseni'gac lu yödzt na' gbidz len beo', le  
uzení' yöl-la' yení' queë' Dios lu yödzt na', ati' naquë' ca'  
le uzení' ni' Bönni' naquë' Bö'cu' Zxíla'dau'.




Cutu ca' tsaz ni' nitú le cunác gdu, len nitú le nac xöhui',  
len nitú nu rzi' yë', san tsazgac ni' nupz nayujgac lagac  
lu guich queë' Bönni' naquë'  
Bö'cu' Zxíla'dau', ga na'  
nayujgac lagac nup  
nadél-li'gac  
yöl-la' na'bán.




“Dios uzzíë' nis rbödx zoa yöj lauquë'.  
Nutur nu gat, len nutur nu cödx, len  
nutur nu cödx yechi', len nutur nu  
saca' qui'i, le chgdöd  
quegac lë na' glac zi'al.”




Cutu soa ni' nitú le dxia dö'. Soa lu yödzt na' latj blau ga rö'ë Dios lenca' ga rö'ë Bönni' naquë' Bö'cu' Zxíla'dau', ati' la'yíj ládxi'quë' Lë' huen dxin queë'. La'lé'inë' lahuë' Lë', ati' lë' nayúj ra' xgaquë'.



Blé'ida' ca' nup chnatgac, nup nacgac blau len nup  
nacgac ca'z, zuicnë' lahuë' Dios. Gulayálj guich, len  
gyalj ca' yetú guich ga na' nayujgac lagac nup  
nadél-li'gac yöl-la' na'bán gdu. Glequi xbeynë' Dios  
nup na' chnatgac tsca nac le nayúj yugu' lu  
guich na', lë na' glun. Yajtsazgac latj  
ga na' rö' gui' zxön nup cunayujgac  
lu guich quegac nup  
nadél-li'gac  
yöl-la' na'bán gdu.



Tu'ë didza' Dios Bö' La'y len bi'i ngul utság ná'lenbi'-në'  
Bönni' naquë' Bö'cu' Zxíla'dau', ta'ně': "Gda." Nu ryöni  
didza' ni ral-la' gna: "Gda." Nu rbidx nis len nu rzë ladxi'  
lei, ral-la' guid len gui'j nis runn yöl-la' na'bán.



Le bdxí'itsquinë' bunách yödzyú  
Dios, budödë' la'z dui Zxi'në',  
cui la'nít yúgu'të nup la'yejlë' Lë',  
san gata' quequë' yöl-la'  
na'bán gdu.



Romanos 3:23

le nunquë' dul-la' yúgu'të' len cutu ca' nacquë' tsahui' ca na' naquë' gdu tsahui' Dios.

Romanos 6:23

Lazxj nu run dul-la' nac yöl-la' gut, san le runnzë' queëru' Dios nac yöl-la' na'bán gdu, le rata' queëru' le nacru' tuz len Xanru' Jesucristo.

Romanos 9:27

Ca na' run bayúdx lat bunách tu Izuz ati' töd ni' cuequi xbeynë' leygac Dios,



Efesios 2:8,9

Nulali' le zoa le buzá' ladxë'ë queëli' Dios le réjlë'li' Cristo. Buslë' lbi'ili', clëg le nacué' le nac dxi'a benli' lbi'ili', san le nac le runzë' Dios. Nutu nu gac gun ba zxön cuini le nulá, le cutu nulá le nacué' le nac dxi'a nun nu na'.

Romanos 10:9,10

“Chqui' didza' gu'u gac bë' Jesús naquë' Xanu', len huayéjlë'u gdu ladxu'u Dios buspanë' Lë' lu yöl-la' gut, uláu' li'.” Lu icj ládi'dau'ru' réjlë'ru' Jesús quië gacru' tsahui' ati' len didza' rui'ru', rului'ru' lahui le naquë' queëru' Jesucristo quië ularu'.



## San Juan 3:16,17

Le bdxí'itsquinë' bunách yödzyú Dios, budödë' la'z dui Zxi'në', cui la'nít yúgu'të nup la'yejlë' Lë', san gata' quequë' yöl-la' na'bán gdu. Dios bsölë'ë Zxi'në' yödzyú ni, clëg quië gchuguë' quegac bunách yödzyú ni, san quië lulá bunách yödzyú ni ni'a queë' Lë'.

## 1 San Juan 5:11-13

Lë ni nac le benë' Ina' lau Dios. Gnë' chbennë' queëru' yöl-la' na'bán gdu, ati' Zxi'në' na' naquë' Nu nabániru' cni. Nu zóalenë' lei Zxi'në' Dios, dë yöl-la' na'bán gdu qui. Nu cuzóalenë' lei Zxi'në' Dios, cutu dë yöl-la' na'bán gdu qui. Lbi'ili' na' réjlë'li'-në' Zxi'në' Dios, ruzuja' queëli' lu guich lë ni quië gnözili' chdë yöl-la' na'bán gdu queëli', len quië gac gdu ca réjlë'li'-në' Zxi'në' Dios.



San Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Zapotec Southern Rincon NT (zsr) © 1992, Wycliffe Bible  
Translators, Inc. All rights reserved.

<https://www.bible.com/bible/736/MAT.1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

